


1614_1_322.jpg



1614_1_323.jpg

Seconde Continuation.

323

denrées sont doanées: tous leurs tiltres, biē que perdus & bruslez, sont recherchez: La Noblesse, soustien de la France, terreur des estrangers, maistresse de la campagne, & vaincresse des batailles, qui restablit les Sceptres, & releue les Couronnes; est maintenant taillee, bannie des offices de Iudicature & finances, faute d'argent, leur vie & leurs biens en puissance d'autrui prinnee de la paye des Hommes d'armes & Archers, anciennement entretenus, & maintenant esclaves de leurs creanciers. Le peuple lamentable les charges qu'on trouuera redoublées par vne quantité de commissions extraordinaires depuis la mort du feu Roy: Il faut que tout tombe sur les pauvres, pour les gages des riches. Les Edicts & commissions qui auoient esté ou surcises ou reuoquees incontinent apres la mort du feu Roy, ont esté remises & augmentees. Les Princes & Officiers de la Couronne, ausquels le feu Roy auoit toute fiance, ont esté esloignez, & mal traictez. On me rend presque par les discours qui courent, & tous les Princes & Officiers de la Couronne qui me font l'honneur de cōuenir avec moy, en mesme aduis, cōme perturbateurs du repos public. On tiēt conseil d'arrester les principaux Princes & Officiers de la Couronne, bien que sans crime; ce qui paroist auoir esté deliberé contre la personne de Monsieur de Bouillon, & le refus fait à Monsieur de Longueuille d'aller exercer sa charge en son gouuernement, monstre assez la continuation de leur violence, & ce qui a esté

Le Tiers-Estat.


Les Edicts reuokez, puis remis.

Les Princes & Officiers esloignez des affaires,

blasmez par discours,

empeschez d'aller en leurs gouuernements,

1614_1_324.jpg



1614_1_325.jpg

Seconde Continuation.


325

vous donnans par ce moyen vn si ample subject
de gloire. Considérez ma lettre, Madame, &
vous n'y trouuerez rien de nos interets parti-
culiers, ny en nos intentions presentes, ny à
l'aduenir: vous ne pouuez trouuer mauuais si
plusieurs vous supplient d'vne mesme chose, &
tous la desirent, obligez par leur deuoir & par
l'amitié qu'ils ont contractee par vostre com-
mandement. Pour pouruoir à tous les acci-
dets cy dessus representez. Je supplie tres humble-
ment vostre Majesté, de l'aduis de plusieurs
Princes, Ducs, Pairs, Officiers de la Couronne,
Cours souveraines, Ecclesiastiques & autres
Seigneurs, tant presens qu'absens, qui ont veu
& approuué la presente supplication, d'ac-
corder l'assemblée des Estats generaux libres &
seurs, dans trois mois au plus tard: & cependât
retenir toutes choses en estat pacifique, prote-
stans de nostre part que nous n'auons desir que
pour la conseruation de la paix & bien de cest
Estat, & que nous n'attenterons au contraire, si
par vne precipitee resolution de nos ennemis,
de ceux qui se courans du manteau de l'Estat
sous vostre autorité, nous ne sommes prono-
quez à repousser leurs injures, faictes au Roy &
à l'Estat, par vne naturelle, iuste & necessaire
defence. Supplication tres-humble que ie fais,
en qualité de premier Prince du sang, en l'estat
que ie suis & sans armes, non ainsi que ceux qui
pour profiter de telles assemblees faisoient
des villes, armoient le peuple & les estrangers,
faisoient guerre & paix à leur profit pour vne

*Supplication
d'accorder les
Estats Gene-
raux.*

y iij

1614_1_326.jpg



1614_1_327.jpg

Seconde Continuation.


327

nostre Roy nous estre donné de Dieu, nous
 scauons l'obeyssance que nous luy deuons, &
 n'y manquerons d'un seul poinct. Nous esperons
 aussi que tous les Princes, Officiers de la Cou-
 ronne, Cours souueraines, Ecclesiastiques &
 Seigneurs qui sont pres de vostre Majesté se
 iointront à nostre mesme desir, & aurons tous
 ensemble préparé à vostre Majesté le chemin,
 l'honneur & la gloire d'auoir restably tous les
 Ordres de ce Royaume en leur premiere splen-
 deur & liberté, reformé ce Royaume, & rassou-
 ré leur repos, avec autant de los que si vous en
 auiez acquis vn autre, respondans genereuse-
 ment à ceux qui disent les Estats diminuër l'au-
 thorité du Roy, que vous l'aurez raffermie &
 renduë perdurable. Nous vous voulons seruir
 & assister ausdits Estats, ainsi qu'il sera recognu
 utile au seruice du Roy, à la France, & à la con-
 seruation de l'autorité Royale, & de celle de
 vostre Majesté, estans ses tres-humbles serui-
 teurs, & en particulier ie la supplie tres hum-
 blement de croire que ie suis, Madame, Vostre
 tres-humble & tres-obeyssant seruiteur & sub-
 ject, *Henry de Bourbon.*

Ceste lettre fut presentee à la Royne le 21.
 Feurier par le sieur de Roger.

Le lendemain 22. sur les huit heures du ma-
 tin, Fief-brun Gentil homme domestique du-
 dit sieur Prince, apporta de sa part au Parle-
 ment vn paquet, lequel sans l'ouurir fut porté
 à la Royne par deux Conseillers Deputez de
 la Cour, sçauoir Messieurs Courtin & Pellerier,

1614_1_328.jpg



1614_1_329.jpg

Seconde Continuation.

329


mes que mes tres-humbles prieres à leurs Maje-
 stez, comme vous le verrez par la coppie que ie
 vous enuoye. Vous supliant humblement, Mes-
 sieurs de nous assister de vos côseils & autori-
 tez en vne si loüable & raisonnable entreprise,
 comme les plus côsiderables au seruice du Roy
 & reformation de l'Estat. Ce faisant vous vous
 acquitterez du deu de vos charges & acquerrez
 gloire & reputation, demeurant Messieurs,
 Vostre tres-humble & tres-affectionné serui-
 teur, *H. de Bourbon.*

Ledit Fief-brun, pendant quelques iours qu'il
 fut à Paris visita aussi de la part dudit sieur
 Prince, Monsieur le Prince de Conty son oncle,
 tous les Cardinaux, Princes, Ducs, Pairs & Of-
 ficiers de la Couronne qui estoient en Cour,
 leur donnant lettres à eux particulièrement
 adressees, avec la coppie imprimee de la lettre
 enuoyee à la Roynie.

Ledit sieur Prince rescrivit aussi à tous les
 autres Parlements, & aux Officiers de la Cou-
 ronne, qui n'estoient à Paris, la pluspart des-
 quels enuoyèrent leurs paquets au Roy sans les
 ouvrir. Pour les Parlements, nul ne fit respon-
 se: car celle que l'on a veu imprimee du Par-
 lement de Bordeaux, fut declaree faulse, aussi
 bien que l'Apologie faicte sous le nom dudit
 sieur Prince. Plusieurs Ecclesiastiques luy res-
 criuirent, & des Particuliers aussi, aucuns fai-
 soient mesmes imprimer & publier leurs res-
 ponses sans les luy enuoyer: Qui les vouldroit
 compiler on en feroit vn vollume; Et pour ce

*Impressions
 diuerses de
 Lettres, Res-
 ponses, &
 Apologies.*

1614_1_330.jpg



1614_1_331.jpg

Seconde Continuation.

331

C'est aussi celuy qui a tousiours esté plus estimé & desiré de moy, & duquel ie faisois bien estat d'vser à l'entree de la majorité du Roy mondit sieur & fils, pour luy représenter en vne si notable compagnie, le passé de ma Regence, l'informer du present, & mieux reigler toutes choses pour l'aduenir, que ie n'ay peu faire, à mon grand regret, durant mon administration. Mais comme depuis vous auez enuoyé vne coppie de ladite lettre à Messieurs de la Cour de Parlement de ceste ville, i'ay creu que vous la diuulgueriez encores par toutes les autres compagnies & Prouinces du Royaume, pour, en mesme temps, descrier par tout, comme il semble que vous pretendez faire icy, la direction & conduite des affaires publiques auprès de moy, à mon desauantage: Car les plaintes que vous faictes des desordres que vous attribuez à ceux qui seruent le Roy auprès de moy, s'adressent plus à moy qu'à eux. C'est vn artifice dont l'on vse à poste, pour donner aux subjects du Roy vne mauuaise odeur & impression de mes actions. C'est pourquoy i'ay bien voulu, en attendant la tenuë desdits Estats generaux, que i'aduanceray tant que ie pourray, vous faire scauoir par aduance, ce qui est contenu en la presente. Je commenceray doncques par vous dire, mon Nepueu, que vous & toute la France, estes obligez, quoy que vous puissiez dire, & publier au contraire, de recognoistre & confesser que le Royaume a par singuliere grace de Dieu, & l'assistance que i'ay receuë des gens

*aux plaintes
faictes contre
les Ministres
de l'Estat.*

Image issue du site mercurefrancois.ehess.fr - Cliché (c) Cécile Soudan